



(khas bagi Majalah Qalam - tidak dibenarkan dikutip)

Sembahyang Jenazah

Hāji Aḥmad Bin Hāji Sālim, Kampung Behrang Ulu,

Tanjung Malim bertanya:

- (1) Apakah sebabnya sembahyang mayat tidak seperti sembahyang yang lain mempunyai rukuk dan sujud?
- (2) Zaman manakah turun hukum Allah Ta‘ālā menyuruh sembahyang bagi mayat; dan siapakah yang mula-mula Rasulullah menyembahyangkannya?
- (3) Apakah sebabnya empat takbir?

Jawab: Sebagaimana diketahui bahawa sembahyang mayat itu diadakan bukanlah kerana menyembahnya tetapi adalah ia semata-mata kerana mendoakan bagi si mati itu. Kerana itulah sembahyang mayat itu tidak mengandungi rukuk dan sujud- kerana rukuk dan sujud itu hanya ditentukan bagi Allah Yang Maha kuasa.

Keterangan menunjukkan bahawa sembahyang mayat itu sebagai doa bagi si mati didapati dalam suatu hadis yang diriwayatkan oleh Abū Hurayrah seperti ini:

‘An abī hurayrah qāla: Sami ‘tu Rasulullāh ṣallā Allāh ‘alaihi wa sallam qāla: idhā ṣallaytum ‘alā al-mayt fakhliṣūhum bi al-du‘a’.

Ertinya: Aku dengan Rasulullah (SAW) bersabda: “Apabila kamu sembahyangkan mayat maka berdoalah kamu baginya dengan ikhlas”.

Demikian juga kerana mustahaknya doa itu bagi si mati sehingga dua takbir yang akhir diuntukkan kerana

Peringatan: Pertanyaan-pertanyaan yang tidak disertakan tanda tangan dan alamatnya yang terang tidak diraikan. Juga pertanyaan-pertanyaan yang mengenai di sekeliling hal ehwal masyarakat kita itulah yang diutamakan daripada soal yang sulit-sulit dan jarang berlaku oleh kerana ruangan ini adalah berguna juga untuk panduan pembaca-pembaca.

mendoakannya. (Takbir yang pertama baca Fatihah, yang kedua selawat atas Nabi, yang ketiga dan yang keempat mendoakan si mati).

Tentang soal yang kedua tidaklah payah diketahui kerana perintah tentang sembahyang kenazah itu satu perintah yang diturunkan kepada Nabi kita Muḥammad (SAW) dan menurut keterangan-keterangan yang sahih Nabi ada mengerjakannya semasa hidup beliau bersama sama dengan sahabat-sahabat dan pengikut-pengikut beliau dan daripada masa itu menjadilah ia suatu hukum syarak yang wajib ditaati dan dikerjakan oleh orang-orang Islam sehingga bila-bila jua pun.

Ada pun berkenaan dengan sebabnya diperintahkan empat takbir -bahawa yang demikian ini adalah diperintahkan oleh syarak yang telah diijmakkan. Dalam pada itu sepanjang yang diketahui berkenaan bilangan takbir ini ada beberapa hadis yang menerangkan: Empat takbir, tiga, lima dan enam; tetapi hadis yang menerangkan bilangan sebanyak empat takbir adalah lebih kuat daripada hadis-hadis yang lain dan telah diijmakkan.

Sembahyang Asar

‘Arabī Bin Hāji Muḥammad, Econath Department, B. M. P. Company Limited Sirya Brunei bertanya: Apa hukumnya sembahyang Zuhur yang digabungkan dengan sembahyang Asar dan bukan untuk kadang-kadang atau sekali-kali tetapi adalah dilakukan dengan terus-terus- kerana bagi pekerja itu mesti turun bekerja tengah hari adalah belum masuk waktu

Zuhur kecuali hari Ahad dan hari Minggu.

Jawabnya: Bagi pernyataan begini: Rasulullah (SAW) pernah sembahyang jamak takhir antara Zuhur dan Asar (sembahyang Zuhur dalam masa Asar) dan di antara maghrib dengan Isyak di bandar Madinah.

Dalam sahih Bukhārī dan Muslim ada meriwayatkan suatu hadis yang berbunyi begini (maksudnya) Ibn ‘Abbās telah berkata: bahawasanya Nabi (SAW) pernah sembahyang di Madinah tujuh rakaat dan delapan rakaat (iaitu) Zuhur dan Asar, Maghrib dan Isyak.

Satu lagi hadis Nabi (Maksudnya): Bahawasanya Nabi (SAW) pernah sembahyang jamak antara Zuhur dan Asar dan antar Maghrib dan Isyak di Madinah, bukan kerana ada peperangan dan tidak ada hujan. Ada orang bertanya kepada Ibn ‘Abbās: Apa maksud Rasulullah berbuat begitu? Jawabnya: Maksudnya Rasulullah tidak hendak memberatkan umatnya (Sahih Muslim).

“Ibnu Mas‘ūd telah berkata Rasulullah (SAW) pernah sembahyang jamak antara Zuhur dan Asar, di antara Maghrib dan Isyak maka orang bertanya dari hal itu kepada Rasul. Sabdanya: Aku berbuat begitu supaya tidak jadi ia sempit atas umatku- (maksud hadis yang diriwayatkan oleh al-Ṭabrānī).

Daripada kenyataan-kenyataan yang tersebut di atas sudah terang bahawa Rasulullah (SAW) pernah sembahyang jamak di antara Zuhur dengan Asar, dan di antara Maghrib dengan Isyak di dalam negeri tetapi yang demikian itu bererti Rasulullah (SAW) tidak buat selalu. Kerana itu kita juga boleh berbuat tetapi sesekali; dan yang terlebih janganlah kita buat begitu kalau tidak ada suatu keuzuran (halangan kerana Rasulullah (SAW) bersabda (maksudnya): “Barangsiapa jamakkan dia sembahyang dengan tidak ada halangan apa-apa maka sesungguhnya telah datang ia ketua pintu pada beberapa pintu dosa besar”.

Hadis yang akhir ini riwayatnya lemah-digunakan bukan sebagai pokok hukum- hanya sebagai membahas hadis sembahyang jamak sahaja. Kita berpendapatan saudara ada peluang menunaikan fardhu Zuhur di dalam tempat pekerjaan itu sendiri- dengan membawa kertas atau tikar kerana bagi diri seseorang itu tidak ditentukan tempatnya-asakan tiba waktu sembahyang sembahyanglah dengan menghadap kiblat dan sesudah itu jalankanlah semula kerana menjamakkan sembahyang itu seboleh-bolehnya dijauhan.

Wang Zakat Fitrah yang Tersimpan

Adik Mariam, Batalion Yang Ketujuh, Malay Rijson, Rob Pahang bertanya: (1) apakah hukumnya wang fitrah yang terkumpul tidak dibahagikan kepada orang-orang yang patut menerimanya, dan.

2) Apakah hukumnya wang fitrah yang terkumpul itu disimpan oleh satu-satu pejabat agama yang bersangkutan dengan kerajaan untuk digunakan bagi kemajuan-kemajuan agama dalam pejabat itu sahaja.

Jawab: Zakat fitrah itu ialah satu ibadat yang diwajibkan atas tiap-tiap orang Islam mengeluarkannya sehingga kepada anak yang belum lahir yang telah ada di dalam kandungan ibunya selama 120 hari. Perintah mengeluarkan zakat itu ialah ibadat yang wajib dengan tidak ada soal jawabnya sedang kepada siapa membahagikannya (memberikannya) adalah ditentukan oleh Allah seperti firmannya di dalam surah al-tawbah ayat enam puluh yang maksudnya: Bahawa sedekah (zakat) itu tidak lain melainkan untuk:

- 1) Orang-orang fakir
- 2) Orang-orang Miskin
- 3) Amil (orang yang bekerja kerana mengumpulkan zakat)
- 4) Muallaf (Orang-orang yang perlu dijinakkan hatinya)
- 5) Memerdekakan hamba